

# Eystrahorn

19. tbl. 38. árgangur

Miðvikudagurinn 20. maí 2020

www.eystrahorn.is



Mynd: Bjarni Jónsson

Bjarni Jónsson leiðsögumaður hjá Iceguide, lýsir upplifun sinni af breyttu landslagi í ferðaþjónustu eftir heimsfaraldur Covid-19 veirunar.

*“Búinn að vera svo heppinn undanfarna daga að fá að leiðsegja, já eða lóðsa íslenska ferðamenn á kajakbátum um Heinabergslón og Jökulsárlón. Eins og alþjóð veit hefur erlendi ferðamaðurinn nánast eingöngu verið í ferðum hjá okkur eins og flestum ferðaþjónustu fyrirtækjum í landinu og fáir íslendingar látið sjá sig. Síðustu dagar hafa verið alíslenskir og alveg magnaðir. Það er alveg nýtt fyrir mér að gera þetta allt á íslensku. Vanalega talar maður ensku alla daga, svo stamar maður á íslenskunni í dag. Mér finnst íslenski ferðamaðurinn frábær og forvitinn á annan hátt. Þeir spyrja gjarnan um annað en sá erlendi og vita oft allt um land og þjóð, eða halda það gjarnan sem er svo gaman.”*

## Er sértæk matarhefð á þínu svæði?

Matarhefðir er mikilvægur hluti af imynd okkar, tengjast sögu okkar, menningu, veðurfari og því landslagi sem Íslendingar hafa búið við í aldanna rás. Þróun og breytingar eru af hinu góða en það er einnig mikilvægt að varðveita þekkinguna og hefðir. Við getum öll tilgreint þjóðlega íslenska rétti en það getur verið erfiðara að benda á svæðisbundna rétti og matarhefðir.

Suðurlandið er stórt og fjölbreytt landsvæði þar sem má finna svæði þar sem hefðir og venjur sem ekki finnast annarsstaðar á landinu. Sem dæmi var kúmen notað í rabbarabarasultu í Fljótshlíð á tyllidögum og fyllinn er enn borðaður undir Eyjafjöllum og í Mýrdal.

Með því að draga enn betur fram þær matarhefðir sem eru og hafa verið á Suðurlandi ásamt því að kortleggja þá matvælaframleiðslu sem á sér stað á Suðurlandi fáum við heildræna mynd yfir þann fjölbreytta mataraud sem þessi stóri landshluti hefur upp á að bjóða. Því köllum við hjá Markaðsstofu Suðurlands eftir áhugaverðum staðreyndum og skemmtilegum sögum um matarhefðir og venjum á Suðurlandi, hvort sem þær tengjast fornri tíð eða eru nýstarlegri og



enn við lýði. Sögurnar munu nýtast við markaðssetningu sunnlenskra matvæla og veita innblástur í vöruþróun fyrir veitingastaði og matvælaframleiðendur.

Sögurnar má senda á [helga@south.is](mailto:helga@south.is) fyrir 5. júní.

Þrír heppnir verða dregnir út og fá gjafabréf frá sunnlenskum veitingastöðum.

- Þriggja rétta máltíð fyrir tvo í Pakkhúsinu á Höfn
- Rifið lamb og bjór fyrir tvo hjá Midgard Base Camp á Hvolsvelli
- Gjafaaskja frá Friðheimum með grillsósu, gúrkusalsa og grænni tómatsultu.

## Reyktur Regnbogasilungur frá Sólsker hlýtur gullverðlaun



Fagkeppni kjötiðnaðarmanna fór fram í mars síðastliðnum. Keppnin fór fram með öðrum hætti en áður vegna Covid-19, sendu keppendur inn vörur með nafnleynd til dómarahóps sem svo dæmdi vöruna eftir faglegum gæðum í kennslueldhúsi Menntaskóla Kópavogs. Ekki var haldin uppskeruhátíð eins og venjulega, heldur voru úrslit kynnt á vef Meistarafélags kjötiðnaðarmanna í sérstöku riti.

Ómar Frans hjá Sólsker ehf. hlaut þar gullverðlaun fyrir reyktan Regnbogasilung. Vörur Sólskers eru Hornfirðingum vel kunnar og hafa þær hlotið fjölda mörg verðlaun síðastliðin ár, bæði í Fagkeppni kjötiðnaðarmanna og Íslandsmeistarakeppni í matarhandverki en einnig erlendis svo sem í Eldrimmer keppninni í Svíþjóð og Masterchef á Ítalíu, sem sýnir að gæðin hjá Sólsker eru ávallt söm. Við óskum Ómari til hamingju!

## AÐALSAFNAÐARFUNDUR

Aðalsafnaðarfundur  
Hafnarsóknar verður  
haldinn **fimmtudaginn**  
**28. maí kl. 18:00** í  
safnaðarheimilinu.



Venjuleg aðalfundarstörf

*Sóknarnefnd Hafnarsóknar*

## FÉLAGSSTARF FÉLAGS ELDRI HORNFIÐINGA AÐALFUNDUR 2020



Félag eldri Hornfirðinga heldur  
aðalfund sinn **laugardaginn 6. júní kl. 13:30**  
í Ekru.

### Fundarefni.

Venjuleg aðalfundarstörf samkv. lögum  
félagsins.

Félagar og nýir félagar ávallt velkomnir!  
Förum að settum reglum v/Covid 19

*Stjórn Félags eldri Hornfirðinga!*

## Golfnámskeið GHH um hvítasunnu

Helgina 30. - 31. maí verður Brynjar Örn Rúnarsson með ókeypis golfnámskeið fyrir börn og unglunga kl. 14 - 16.15 báða dagana. Skipt verður í yngri (6-11 ára kl.14) og eldri hóp (12-16 ára kl.15). Skráning fer fram hjá saemundurh@hornafjordur.is eða í síma: 894-0524



Brynjar Örn býður einnig upp á 30 mínútna einka- eða paratímur fyrir áhugasama. Skráning fer fram á facebook síðu Golfklúbbs Hornafjarðar eða í númeri 894-0524.



Sveitarfélagið  
**HORNAFJÖRÐUR**



## Vegna smáhýsa á lóð

Að gefnu tilefni benda starfsmenn sveitarfélagsins lóðahöfum á ákvæði í byggingareglugerð nr. 112/2012 um smáhýsi og afstöðu þeirra innan lóða með tilliti til sambrunahættu.

Smáhýsi eru byggingar gerðar úr léttum efnum til geymslu garðáhalda o.þ.h. eru undanþegin byggingaleyfi með heimild til að staðsetja þau utan byggingareits að uppfylltum eftirfarandi kröfum (enda sé slík bygging ekki óheimil samkvæmt gildandi deiliskipulagi).

1. Flatarmál smáhýsis er að hámarki 15 m<sup>2</sup>.
2. Fjarlægð milli smáhýsa innbyrðis, frá glugga eða hurð húss og frá útvegg timburhúss er a.m.k. 3,0 m, eða sýnt er fram á að brunamótstaða veggja smáhýsis og aðliggjandi húss sé þannig að fullnægjandi brunahólfun náist á milli húsanna.
3. Veggur smáhýsis sem snýr að lóðarmörkum og er nær lóðarmörkum en 3,0 m er glugga- og hurðalaus.
4. Mesta hæð þaks á smáhýsi er 2,5 m mælt frá yfirborði jarðvegs.
5. Ef smáhýsi er nær lóðarmörkum en 3,0 m skal liggja fyrir skriflegt samþykki lóðarhafa þeirrar nágrannalóðar og skal það lagt fram hjá byggingarfulltrúa.

Skorað er á lóðarhafa að bregðast við og uppfylla þau skilyrði sem gerð eru í reglugerðinni. Að öðrum kosti verður sent út áminningarbréf þar sem farið verður fram á verkáætlan til úrbóta.

Nánari upplýsingar og leiðbeiningar gefur byggingarfulltrúi [bartek@hornafjordur.is](mailto:bartek@hornafjordur.is)



Sveitarfélagið Hornafjörður / Hafnarbraut 27 / S: 4708000 / [www.hornafjordur.is](http://www.hornafjordur.is)



Sveitarfélagið  
**HORNAFJÖRÐUR**



## Stuðningsfjölskyldur óskast

Félagshjónusta Hornafjarðar auglýsir eftir stuðningsfjölskyldum sem boðið geta barni inn á heimili sitt í þeim tilgangi að létta álagi af fjölskyldu og styrkja stuðningsnet barns. Um er að ræða úrræði veitt á grundvelli laga um málefni fatlaðs fólks og barnaverndarlaga.

### Hæfniskröfur:

- Reynsla, færni og áhugi á starfi með börnum og unglingum.
- Hæfni í mannlegum samskiptum sem og jákvætt viðhorf til barna og unglunga.
- Umburðarlyndi og vilji til samstarfs við foreldra.
- Hreint sakavottorð.
- Aðeins 20 ára og eldri koma til greina.

### Umsókn skal fylgja:

- Heilbrigðisvottorð allra heimilismanna, 18 ára og eldri.
- Heimild til upplýsingaöflunar úr sakaskrá allra heimilismanna eldri en 15 ára (sérstakt eyðublað).
- Yfirlit yfir starfsferil umsækjanda, menntun og reynslu af starfi með börnum.
- Upplýsingar um önnur leyfi eða samkvæmt barnaverndarlögum og/eða lögum um málefni fatlaðs fólks ef við á.

Upplýsingar veitir Hildur í síma 470-8000 eða á netfang [hilduryr@hornafjordur.is](mailto:hilduryr@hornafjordur.is)

Svalbarð 5 • Sími: 848-3933

Útgefandi:..... HLS ehf.

Ritstjóri og

ábyrgðarmaður: Tjörvi Óskarsson

Netfang: ..... [tjorvi@eystrahorn.is](mailto:tjorvi@eystrahorn.is)

Profarkalestur.... Guðlaug Hestnes

Umbrot: ..... Tjörvi Óskarsson

Prentun: ..... Litlaprent

ISSN 1670-4126



**Eystrahorn**

# Óvissa vegna Covid-19 en sterk fjárhagsstaða

Bæjarstjórn Sveitarfélagsins Hornafjarðar bókaði á fundi sínum þann 14. maí um atvinnuleysið í sveitarfélaginu sem er orðið 27% og er með því hæsta á landinu öllu.

*"Hlutfall atvinnuleitenda og þeirra sem eru á hlutabótaleidinni í Sveitarfélaginu Hornafirði er 26.6% í apríl og er það með því hæsta sem mælist á landinu öllu. Áætlað er að atvinnuleysi muni mælast 22% í maí. Atvinnuleysi er af áður óþekktu hlutfalli í sveitarfélaginu. Unnið er að skipulagi sumarstarfa í samræmi við aðgerðir ríkisstjórnarinnar. Forstöðumenn eru einnig með í skodun að ráða til sín starfsmenn í samstarfi við Vinnumálastofnun. Bæjarstjórn lýsir yfir áhyggjum af atvinnuástandi í sveitarfélaginu og hvetur stjórnvöld til að horfa til sértækra aðgerða þar sem ástandið er verst."*

## Jákvæð rekstrarniðurstaða hjá Sveitarfélaginu Hornafirði

Einnig var ársreikningur sveitarfélagsins fyrir árið 2019 samþykktur á fundinum. Rekstur samstæðu sveitarfélagsins var jákvæður, niðurstaðan fyrir A og B hluta var jákvæð um 468 m.kr., niðurstaða A hluta var jákvæð um 407,6. m.kr.. Sterk fjárhagsleg staða Sveitarfélagsins Hornafjarðar er góður grunnur fyrir þá erfiðleika sem steðja að sveitarfélaginu nú.



### Helstu tölur í ársreikningi:

- 468 milljón kr. afgangur af rekstrinum í heild
- Veltufé frá rekstri A og B hluta var 717 m.kr. eða 73 % af tekjum A og B hluta.
- Launagreiðslur 1.022.772 millj. kr. án launatengdra gjalda og lífeyrisskuldbindinga.
- Skatttekjur á hvern íbúa 579 þús. kr.
- Eignir í árslok bókfærðar á 5.179 m.kr. þar af veltufjármunir 717 m.kr.
- Fjöldi stöðugilda var 154 í árslok og fjölgaði um 6 frá árinu 2018.
- Skuldahlutfall var 50% og lækkar um eitt prósentustig.

Eins og kunnugt er þá ríkir mikil óvissa í samfélaginu um hve mikil fjárhagsleg áhrif verða af völdum Covid-19 og hversu lengi áhrifin munu vara. Viðbúð er að áhrif á rekstur sveitarfélagsins verði umtalsverð m.a. vegna lægri tekna og

aukinna útgjalda. Bæjarstjórn hefur kynnt aðgerðir til viðspyrnu atvinnulífinu og mun áfram vinna að því með það að markmiði að styðja við atvinnulífið og tryggja atvinnu. Nú þegar er búið að bjóða upp á greiðslufrest á fasteignagjöldum fyrir þá sem hafa orðið fyrir skaða vegna faraldursins. Forstöðumönnum hefur verið falið að vinna upplýsingar um möguleg verkefni/sumarstörf sem hægt er að ráðast í. Unnið er að samstarfsverkefnum um störf við Háskólasetrið og Vinnumálastofnun. Gera má ráð fyrir að endurskoða þurfi fjárhagsáætlun 2020 og er það í undirbúningi. Beðið er fregna frá aðgerðarpakka ríkisstjórnarinnar. Fjárhagur sveitarfélagsins er traustur og skuldastaðan lág. Sveitarfélagið er því vel í stakk búið til að takast á við efnahagslegar afleiðingar vegna faraldursins.



HEILBRIGÐISSTOFNUN  
SUÐURLANDS

## Nýtt símanúmer á Höfn 432-2900

Þann 1. apríl 2020 fékk  
Heilsugæslan á Höfn ný símanúmer.

Eldri númer voru lögð niður  
en símsvari mun leiðbeina og  
upplýsa um nýja aðalnúmerið.

Nánari upplýsingar á [www.hsu.is](http://www.hsu.is)



Golfklúbbur Hornafjarðar auglýsir eftir aðila til þess að sjá um rekstur golfskálans í sumar. Áhugasamir hafi samband við Gest Halldórsson formann GHH, sími 869-3853 eða í netfangi: [gessi1960@gmail.com](mailto:gessi1960@gmail.com)

## Útskrift FAS með breyttu sniði



Laugardaginn 23. maí næstkomandi verður haldin útskrift í FAS. Hún er talin af mörgum sem hápunktur skólstarfsins á hverju ári.

En eins og svo margt annað verður hún með breyttu fyrirkomulagi vegna COVID-19. Takmörk eru á því hversu margir mega koma saman hverju sinni og miðast skipulag útskriftar við það. Þess vegna hefur verið ákveðið að útskrift verði í tveimur hópum og mega þeir einir koma sem hafa fengið um það boð. Hvert útskriftarefni má taka með sér að hámarki þrjá gesti og munu þeir sitja saman við merkt borð á Nýrtorgi.

Klukkan 13:00 verður útskrift hjá nemendum sem hafa stundað nám í vélstjórn og fjallamennsku. Á þeim tíma útskrifast líka sjúkraliðar og þeir sem ljúka framhaldsskólaprófi.

Klukkan 14:00 er svo komið að útskrift stúdenta. Við biðjum fólk um að sýna þessum óvenjulegu aðstæðum skilning en fyrir þá sem vilja fylgjast með er ætluin að senda út frá athöfninni og mun FAS birta slóðina þegar nær dregur útskrift á [www.fas.is](http://www.fas.is)


## Ársfundur Nýheima

Ársfundur Nýheima þekkingarseturs var haldinn 13. maí síðastliðinn. Fram kom í máli forstöðumanns og formanns stjórnar að starfsemi setursins gengur vel, rekstrar- og verkefnastaða þess er góð og er framtíðin því björt. Fjórir starfsmenn eru nú starfandi hjá setrinu.

Ársfundi Nýheima var nú í fyrsta sinn streymt á facebook-síðu Nýheima þekkingarseturs og er upptaka fundarins einnig aðgengileg á heimasíðu Nýheima. Auk venjubundinna fundarstarfa voru tvö afar áhugaverð erindi flutt á ársfundinum að þessu sinni. Annars vegar kynnti Dr. Anna Guðrún Edvarðsdóttir niðurstöður rannsóknarinnar Staða og hlutverk þekkingarsetra

í byggðaþróun. Margir íbúar kannast við rannsókn Önnu Guðrúnar og tóku þátt í íbúakönnun, rýnihópum eða viðtölum síðastliðið vor. Niðurstöður rannsóknarinnar varpa ljósi á þekkingu og væntingu íbúa til þekkingarsetra í sínu samfélagi. Rannsóknin er samstarfsverkefni Nýheima þekkingarseturs, Háskólafélags Suðurlands og Þekkingarnets Þingeyinga og hlaut styrk úr Byggðarannsóknasjóði og Atvinnu- og rannsóknasjóði Sveitarfélagsins Hornafjarðar. Þá styrkti Mennta- og menningarmálaráðuneytið verkefnið einnig. Karl Friðriksson hjá Nýsköpunarmiðstöð Íslands flutti erindið Framtíðir – Hlutverk sviðsmyndagreininga í byggðaþróun. Mjög áhugavert erindi um hvernig megi nýta sviðsmyndir til undirbúnings fyrir ólíkar framtíðir.

Starfsemi þekkingarsetursins grundvallast á fjórum stöðum þess, menntun, menningu, nýsköpun og rannsóknum, samstarfi fjölbreyttra aðila, innan og utan Nýheima, og þjónustu við samfélagið. Stöðirnar, samstarfið og samfélagið er það sem ræður för í öllum þeim verkefnum sem Nýheimar þekkingarsetur tekur þátt í. Áhugasamir eru hvattir til að kynna sér fjölbreytt verkefni setursins á síðasta rekstrarári í ársskýrslu sem aðgengileg er á vefsíðu Nýheima ([www.nyheimar.is](http://www.nyheimar.is)).



Sofðu vel  
heilsunnar vegna



Húsgagnaval  
Húsgögn og gjafavörur

Hlífðardýnur og lök  
í öllum stærðum

Svefn & heilsa  
★★★★

Úrval af rúmum og dýnum,  
sama verð og í Reykjavík.  
Frír flutningur um óákveðinn tíma,  
gott að nýta tækifærið  
Verið velkomin

Opið frá kl. 13-18 virka daga  
478-2535 / 898-3664

Vorum að fá nýja sendingu af fallegum  
pottaplöntum.  
Úrval af fallegum útskriftar gjöfum

## Vildaráskrift Eystrahorns

Við viljum hvetja lesendur Eystrahorns að kynna sér  
vildaráskriftina.

Þeir sem vilja styrkja útgáfuna geta greitt frjálst framlag,  
svokallaða vildaráskrift inn á reikning útgáfunnar. Hægt  
er að greiða áskriftina t.d. mánaðarlega, nokkra mánuði  
í einu eða eins og hentar hverjum og einum. **HLS ehf.**

Rnr. 537-26-55002  
kt.500210-2490



Myndvinnsla, umbrot og auglýsingagerð.

Hafðu samband:  
[tjorvi@upplausn.is](mailto:tjorvi@upplausn.is)  
eða í síma 848-3933.